



BL

1411

M224C53

1782


v. 1



乾隆四十七年四月一日

乾隆四十七年四月

日



總圖說

謹按結壇儀軌並依經文陳設擇潔淨地方廣十二步以爲道場築壇其中東向高一尺方十步取潔淨

黃土代犛牛糞溼壇四周攷犛字玉篇廣韻並云牛

犛小於水牛今牛種無此稱未知所指又攷楞嚴經

云白牛食雪山肥草飲雪山清水其糞微細可合梅

檀疑此經所云犛牛亦卽此類蓋北方得水之正位

而白色則金行爲水之母故可因以致雨取類而用

之耳今亦依楞嚴經法穿地壇中設牀方廣二丈爲

五尺取淨黃土和香末代之壇中設牀方廣二丈爲

高座覆以青幄經所云青蓋北方幄中設主壇僧座

一高桌一兩傍設誦經僧矮座并矮桌如其人數凡

座褥桌幃皆以青色從高座東量三肘外按韻會云

一尺五寸

爲一肘古尺當今尺七寸許今酌以一尺爲一肘設青幃高桌一桌上設供

器及乳糜雜果

並南西北

供龍王一身三頭並諸眷屬

西向

經文云用牛糞汁畫今以白檀香水代之畫於插屏上

從高座南量五肘

外供龍王一身五頭並諸眷屬北向從高座西量七

肘外供龍王一身七頭並諸眷屬東向從高座北量

九肘外供龍王一身九頭並諸眷屬南向壇四角各

豎青旛七一旛下各燃酥油燈一燈前四角各設花

瓶插諸雜花壇之四周或一步或數步外以席爲牆

四面有門門各畫二行龍守護用代經所云或灰或


水以爲界畔者龍首皆向門而蜿蜒其尾互相鉤結

門外有屏亦以席爲之選高行持戒僧一人主壇兩序亦擇戒行清淨僧人奉經又選僧二人或四人入壇爲侍者以供添香注水之役僧皆青衣薰沐齋戒悉如經儀晝夜嚴淨虔誠結願諷誦經文至一七日或二七日遠至三七日自然感召天和甘霖應禱矣




四方龍王像圖說

謹按龍王像畫於插屏上屏高二尺六寸寬一尺六寸屏座高一尺二寸屏心蒙以絹素各按方位法相手印繪畫在東方者一身三頭在南方者一身五頭在西方者一身七頭在北方者一身九頭并各畫諸眷屬圍繞下爲海濤上有雲氣龍王眷屬甚衆不能悉畫今各繪其四云




經幄圖說

謹按經幄設於壇之正中東向以覆高座方廣二丈
簷高九尺中隆起如屋用青色布爲之楮以黑漆木
柱又染索令黑系於四角分絆於地簷之四周皆垂
瓔珞清淨莊嚴儼如寶界矣




主壇桌座圖說

謹按主壇僧東向桌座各一以木爲之設於高座中
稍西桌高二尺六寸方三尺幃以青布置經其上用
青色緞或錦爲幕誦則揭之座高一尺六寸方二尺
藉以青褥




兩序桌座圖說

謹按兩序桌座設於主壇桌東兩傍南北相對或二或四或六或八如其人數桌高九寸方二尺亦以木爲之幃及經帛皆與主壇同坐則就地敷青褥方二尺





供器圖說

謹按香爐一以供炷香燭臺二以燃蠟燭總謂之供器又於其前設香爐一差小熾炭其中以爇瓣香旁置二盤以盛沉速蘇合栴檀等種種妙香令侍者時時添爇晝夜不絕其器以銅錫瓷石爲之皆可高下大小亦惟其宜





乳糜供獻圖說

謹按乳糜每供各五器器皆有托高下大小各隨其
宜攷本行經云菩薩將往道樹時善生村女以乳烹
糜其釜上現種種瑞相乃奉獻菩薩云云以是因果
佛家咸以乳糜爲供養中最勝上品也




雜果供獻圖說

謹按雜果亦每供各五器器之形製盤托與乳糜供同其果並取應時鮮好芳馨可愛或遠方珍品潔淨甘美足稱上供者



旛圖說

謹按旛用二十八竿設於壇之四角每角各七以新青布爲之長一丈竿用竹木髹以黑漆首飾以銅曲垂如鉤以系旛下有木座亦用黑色其安設一竿正當壇之四角左右各三曲抱如矩整齊均一四面皆同



燈圖說

謹按燈凡二十八盞設於壇四角各七隨旛爲位以銅爲之高五寸四分上盤深一寸六分圓徑五寸承以層臺下各有座刻爲龍文中燃酥油晝夜光明照映一切



花瓶圖說

謹按花瓶四枚分設於壇四角旛燈之前瓶高一尺五寸圓徑一尺二寸可容水三斗以黑釉瓷爲之下有座並髹以黑漆中插種種草木花藥用金精或石黛和水注之令滿每日別注毋使隔宿以養花香其花亦常易以新好使清芬不絕龍天歡喜

御製大雲輪請雨經

梵言阿嚧鵝嘛嚩墨嚧哈嘛嚩拉巴嚧唎主查納阿嘛
蘇嚩訶

華言大雲輪請雨經頂禮諸佛菩薩

如是我聞一時佛在難陀優婆難陀龍王宮
內住大威德摩尼之藏大雲輪殿寶樓閣中
與大比丘及諸菩薩摩訶薩衆周帀圍遶復

有無量諸大龍王其名曰難陀龍王優鉢難
陀龍王娑伽羅龍王阿那婆達多龍王摩那
斯龍王婆婁那龍王德叉迦龍王提頭賴吒
龍王婆修吉龍王曰真鄰陀龍王伊羅跋那
龍王分陀利龍王威光龍王德賢龍王電冠
龍王大摩尼寶髻龍王摩尼珠髻龍王光耀
頂龍王帝釋鋒仗龍王帝釋幢龍王帝釋杖

龍王閻浮金幢龍王善和龍王大輪龍王大
蟒蛇龍王火光味龍王月耀龍王慧威龍王
善見龍王大善見龍王善住龍王摩尼瓔龍
王興雲龍王持雨龍王大忿吒聲龍王小忿
吒聲龍王奮迅龍王大頻拏龍王大項龍王
深聲龍王大深聲龍王大雄猛龍王優鉢羅
龍王大步龍王螺髮龍王質多羅斯那龍王

持大絹索龍王伊羅樹葉龍王先慰問龍王
驢耳龍王海貝龍王達陀羅龍王優波達陀
羅龍王安隱龍王大安隱龍王毒蛇龍王大
毒蛇龍王大力龍王呼婁茶龍王阿波羅龍
王藍浮龍王吉利彌賒龍王黑色龍王因陀
羅軍龍王那茶龍王優波那茶龍王甘浮紇
利那龍王陀毗茶龍王端正龍王象耳龍王

猛利龍王黃目龍王電光龍王大電光龍王
天力龍王金婆羅龍王妙蓋龍王甘露龍王
得道泉龍王瑠璃光龍王金色髮龍王金光
龍王月光龍王日光龍王始興龍王牛頭龍
王白相龍王黑相龍王耶摩龍王沙彌龍王
蝦蟇龍王僧伽茶龍王尼民陀羅龍王持地
龍王千頭龍王寶頂龍王滿願龍王細雨龍

王須彌那龍王瞿波羅龍王仁德龍王善行
龍王宿德龍王金毗羅龍王金毗羅頭龍王
持毒龍王蛇身龍王蓮華龍王大尾龍王騰
轉龍王可畏龍王善威德龍王五頭龍王婆
利羅龍王妙車龍王優多羅龍王長尾龍王
大頭龍王賓卑迦龍王毗茶龍王馬形龍王
三頭龍王龍仙龍王大威德龍王火德龍王

恐人龍王焰光龍王七頭龍王現大身龍王
善愛見龍王大惡龍王淨威德龍王妙眼龍
王大毒龍王焰聚龍王大害龍王大瞋忿龍
王寶雲龍王大雲施水龍王帝釋光龍王波
陀波龍王月雲龍王海雲龍王大香華龍王
華出龍王寶眼龍王大相幢龍王大雲藏龍
王降雪龍王威德藏龍王雲戟龍王持夜龍

王降雨龍王雲雨龍王大雲雨龍王火光龍
王大雲主龍王無瞋恚龍王鳩鳩婆龍王那
伽首羅龍王闍隣提龍王雲蓋龍王應祁羅
目佉龍王威德龍王出雲龍王無盡步龍王
妙相龍王大身龍王大腹龍王安審龍王丈
夫龍王歌歌那龍王鬱頭羅龍王猛毒龍王
妙聲龍王甘露寶龍王大散雨龍王隱隱聲

龍王雷相擊聲龍王鼓震聲龍王注甘露龍
王天帝鼓龍王霹靂音龍王首羅仙龍王那
羅延龍王涸水龍王毗迦吒龍王有如是等
諸大龍王而爲上首復有八十四億那由他
數諸龍王俱同來彼會時彼一切諸龍王等
從座而起各整衣服偏袒右臂右膝著地合
掌向佛卽以種種無量無邊阿僧祇數微妙

香華塗香末香華冠衣服寶幢旛蓋龍華寶
冠真珠瓔珞寶華繒綵真珠羅網雜珮流蘇
覆如來上作衆妓樂擊掌歌讚起大殷重奇
特之心遶百千帀却住一面爾時諸龍住一
面已咸發願言願以一切諸世界海微塵身
海一切諸佛菩薩衆海遍於一切諸世界海
已過所有一切四大地水火風微塵等海所

有一切諸色光明微塵數海已過無量不可思議不可宣說阿僧祇數諸身等海於一一身化作無量阿僧祇諸手海雲遍滿十方又於一一微塵分中化出無量供養海雲遍滿十方將以供養一切諸佛菩薩衆海恒不斷絕如是無量不可思議不可宣說阿僧祇數普賢菩薩行身海雲遍滿虛空住持不絕如

是菩薩諸身海雲所謂一切輪相海雲一切
寶冠海雲一切大明寶藏輦海雲一切末香
樹藏海雲一切香烟現諸色海雲一切諸樂
音聲海雲一切香樹海雲諸如是等無量無
邊不可思議不可宣說阿僧祇數如是一切
供養海雲遍滿虛空住持不絕供養恭敬尊
重禮拜一切諸佛菩薩衆海復出一切莊嚴

境界電藏摩尼王海雲一切普明寶雨莊嚴
摩尼王海雲一切寶光焰順佛音聲摩尼王
海雲一切佛法音聲遍滿摩尼寶王海雲一
切普門寶焰諸佛化光王海雲一切衆光明
莊嚴顯現不絕摩尼寶王海雲一切光焰順
佛聖行摩尼寶王海雲一切顯現如來不可
思議佛刹電光明摩尼王海雲一切諸妙寶

色明徹三世佛身摩尼王海雲諸如是等一切諸寶光色遍滿虛空住持不絕供養恭敬尊重禮拜一切諸佛菩薩衆海復出一切不壞妙寶香華輦海雲一切無邊色摩尼寶王莊嚴輦海雲一切寶燈香焰光輦海雲一切真珠妙色輦海雲一切華臺輦海雲一切寶冠莊嚴輦海雲一切十方光焰遍滿莊嚴不

絕寶藏輦海雲一切無邊顯現勝寶莊嚴輦
海雲一切遍滿妙莊嚴輦海雲一切門欄華
鈴羅網輦海雲諸如是等遍滿虛空住持不
絕供養恭敬禮拜一切諸佛菩薩衆海復出
一切妙金寶瓔珞藏師子座海雲一切華明
妙色藏師子座海雲一切紺摩尼閻浮檀妙
色蓮華藏師子座海雲一切摩尼燈蓮華藏

師子座海雲一切摩尼寶幢火色妙華藏師
子座海雲一切寶莊嚴妙色蓮華藏師子座
海雲一切樂見因陀羅蓮華光藏師子座海
雲一切樂見無盡焰光蓮華藏師子座海雲
一切寶光普照蓮華藏師子座海雲一切佛
音蓮華光藏師子座海雲諸如是等遍滿虛
空住持不絕供養恭敬禮拜一切諸佛菩薩

衆海復出一切妙香摩尼樹海雲一切諸葉
周帀合掌出香氣樹海雲一切莊嚴現無邊
明色樹海雲一切華雲出寶樹海雲一切出
於無邊莊嚴藏樹海雲一切寶輪焰電樹海
雲一切示現菩薩半身出栴檀末樹海雲一
切不思議無邊樹神莊嚴菩薩道場樹海雲
一切寶衣藏日電光明樹海雲一切遍出真

妙音聲喜見樹海雲諸如是等遍滿虛空住
持不絕供養恭敬尊重禮拜一切諸佛菩薩
衆海復出一切無邊寶色蓮華藏師子座海
雲一切周帀摩尼王電藏師子座海雲一切
瓔珞莊嚴藏師子座海雲一切諸妙寶冠燈
焰藏師子座海雲一切圓音出寶雨藏師子
座海雲一切華冠香華寶藏師子座海雲一

切佛座現莊嚴摩尼藏師子座海雲一切欄
楯垂瓔莊嚴藏師子座海雲一切摩尼寶樹
枝葉末香藏師子座海雲一切妙香寶鈴羅
網普莊嚴日電藏師子座海雲諸如是等遍
滿虛空住持不絕供養恭敬尊重禮拜一切
諸佛菩薩衆海復出一切如意摩尼寶王帳
海雲一切因陀羅寶華臺諸華莊嚴帳海雲

一切香摩尼帳海雲一切寶燈焰相帳海雲
一切佛神力出聲摩尼寶王帳海雲一切顯
現摩尼妙衣諸光莊嚴帳海雲一切華光焰
寶帳海雲一切羅網妙鈴出聲遍滿帳海雲
一切無盡妙色摩尼珠臺蓮華羅網帳海雲
一切金華臺火光寶幢帳海雲一切不思議
莊嚴諸光瓔珞帳海雲諸如是等遍滿虛空

住持不絕供養恭敬尊重禮拜一切諸佛菩薩衆海復出一切雜妙摩尼寶蓋海雲一切無量光明莊嚴華蓋海雲一切無邊色真珠藏妙蓋海雲一切諸佛菩薩慈門音摩尼王蓋海雲一切妙色寶焰華冠妙蓋海雲一切寶光明莊嚴垂鈴羅網妙蓋海雲一切摩尼樹枝瓔珞蓋海雲一切日照明徹焰摩尼王

諸香烟蓋海雲一切梅檀末藏普熏蓋海雲
一切極佛境界電光焰莊嚴普遍蓋海雲諸
如是等遍滿虛空住持不絕供養恭敬尊重
禮拜一切諸佛菩薩衆海復出一切寶明輪
海雲一切寶焰相光輪海雲一切華雲焰光
輪海雲一切佛化寶光明輪海雲一切佛刹
現入光明輪海雲一切諸佛境界普門音聲

寶杖光輪海雲一切瑠璃寶性摩尼王焰光
輪海雲一切衆生於一念時現於色相光輪
海雲一切音聲悅可諸佛大震光輪海雲一
切所化衆生衆會妙音摩尼王光輪海雲諸
如是等遍滿虛空住持不絕供養恭敬尊重
禮拜一切諸佛菩薩衆海復出一切摩尼藏
焰海雲一切佛色聲香味觸光焰海雲一切

寶焰海雲一切佛法震聲遍滿焰海雲一切
佛刹莊嚴電光焰海雲一切華輦光焰海雲
一切寶笛光焰海雲一切劫數佛出音聲教
化衆生光焰海雲一切無盡寶華鬘示現衆
生光焰海雲一切諸座示現莊嚴光焰海雲
諸如是等遍滿虛空住持不絕供養恭敬尊
重禮拜一切諸佛菩薩衆海復出一切不斷

不散無邊色寶光海雲一切摩尼寶王普光
海雲一切佛刹莊嚴電光海雲一切香光海
雲一切莊嚴光海雲一切佛化身光海雲一
切雜寶樹華鬘光海雲一切衣服光海雲一
切無邊菩薩諸行名稱寶王光海雲一切真
珠燈光海雲諸如是等遍滿虛空住持不絕
供養恭敬尊重禮拜一切諸佛菩薩衆海復

出一切不可思議種種諸雜香華海雲一切
寶焰蓮華羅網海雲一切無量無邊際色摩
尼寶王光輪海雲一切摩尼真珠色藏篋笥
海雲一切摩尼妙寶梅檀末香海雲一切摩
尼寶蓋海雲一切清淨諸妙音聲悅可衆心
寶王海雲一切日光寶輪瓔珞流蘇海雲一
切無邊寶藏海雲一切普賢色身海雲諸如

是等遍滿虛空住持不絕供養恭敬尊重禮拜一切諸佛菩薩衆海爾時此衆八十四億百千那由他諸龍王等作是願已遶佛三匝頭面作禮於一面立爾時佛告諸龍王言汝等龍王各宜復坐時諸龍王聞佛語已各各還依次第而坐爾時衆中有一龍王名曰無邊莊嚴海雲威德輪蓋於此三千大千世界

龍王之中最爲勝大得不退轉本願力故受
此龍身爲欲供養恭敬禮拜於如來故聽受
正法來生至此閻浮提內時彼龍王從座而
起整理衣服偏袒右臂右膝著地合掌向佛
而作是言世尊我今有疑欲問如來至真等
正覺若佛聽許我乃敢問作是語已默然而
住爾時世尊告無邊莊嚴海雲威德輪蓋龍

王作如是言大龍王若有疑者恣聽汝問吾
當爲汝分別解說令汝歡喜作是語已時無
邊莊嚴海雲威德輪蓋龍王卽白佛言唯然
世尊云何能使諸龍王等滅一切苦得受安
樂受安樂已又令於此閻浮提內時降甘雨
生長一切樹木叢林藥草苗稼皆生滋味使
閻浮提一切人等悉受快樂爾時世尊聞是

語已卽告無邊莊嚴海雲威德輪蓋大龍王
言善哉善哉汝今爲彼諸衆生等作利益故
能問如來如是等事汝大龍王諦聽諦聽善
思念之我當爲汝分別解說輪蓋龍王我有
一法汝等若能具足行者令一切龍除滅諸
苦具足安樂何者一法謂行大慈汝大龍王
若有天人行大慈者火不能燒水不能溺毒

不能害刃不能傷內外怨賊不能侵掠若睡
若寤皆得安隱行大慈力有大威德諸天世
人不能擾亂形貌端嚴衆所愛敬所行之處
一切無礙諸苦滅除心得歡喜諸樂具足大
慈力故命終之後得生梵天汝大龍王若有
天人行大慈者獲如是等無量無邊利益之
事是故龍王身口意業常應須行彼大慈行

復次龍王有陀羅尼名施一切衆生安樂汝
諸龍等常須讀誦繼念受持能滅一切諸龍
苦惱與其安樂彼諸龍等旣得樂已於閻浮
提始能依時降注甘雨使令一切樹木叢林
藥草苗稼皆出滋味爾時龍王復白佛言何
者名爲施一切樂陀羅尼句爾時世尊卽說
咒曰

